

Cyngor Sir Ynys Môn

Gwasanaeth Rhybudd Preifatrwydd Gwasanaethau Tai

Sut ydym yn defnyddio eich gwybodaeth bersonol

Mae gennych hawl i wybod am y ffordd rydym yn defnyddio gwybodaeth sydd gennym amdanoch chi. Darllenwch y wybodaeth ganlynol os gwelwch yn dda gan ei bod yn cyfeirio at hawliau ychwanegol y dylech wybod amdanynt.

Cyngor Sir Ynys Môn yw'r rheolydd data ar gyfer eich gwybodaeth. Mae hyn yn golygu bod y Cyngor yn diogelu eich gwybodaeth ac yn penderfynu sut y caiff ei defnyddio. Y term cyfreithiol am ddefnyddio gwybodaeth yw prosesu. Hefyd, y term cyfreithiol am wybodaeth amdanoch chi yw *data personol*.

Bydd y Cyngor yn prosesu eich gwybodaeth bersonol oherwydd bod angen gwneud hynny er mwyn cydymffurfio gyda deddfwriaeth, er enghraifft, casglu rhenti ac er mwyn i ni fedru cyflawni ein swyddogaeth gyhoeddus (er enghraifft, asesu digartrefedd a cheisiadau am Dai Cymdeithasol). Ni fydd y wybodaeth hon yn cael ei defnyddio at ddibenion nad ydynt yn gydnaws â pham y cafodd ei chasglu yn y lle cyntaf. Gall hyn gynnwys delweddau CCTV hefyd.

Ni fydd y Cyngor yn defnyddio eich gwybodaeth ar gyfer gwneud penderfyniadau awtomataidd neu broffilio. Mae proffilio yn golygu unrhyw fath o brosesu awtomataidd ar eich data personol er mwyn gwerthuso neu ddadansoddi neu ragfynegi pethau amdanoch chi. Gallai hyn gynnwys eich sefyllfa economaidd, iechyd, tueddiadau personol, diddordebau neu ymddygiad.

Ni fydd y Cyngor yn trosglwyddo eich gwybodaeth bersonol i wlad arall.

Mae'r Cyngor yn casglu ac yn defnyddio eich gwybodaeth bersonol am fod ganddo ddyletswydd neu hawl gyfreithiol i wneud hynny; neu i berfformio tasg sydd er budd cyhoeddus neu dasg diogelu cymdeithasol; neu am eich bod wedi rhoi eich caniatâd. Y term cyfreithiol am hyn yw y *sail gyfreithiol o brosesu*.

Bydd y Cyngor yn casglu ac yn rhannu gwybodaeth sy'n cynnwys data personol gyda chyrrff cyhoeddus. Rhennir data hefyd yn unol ag Adran 33 Mesur Llywodraeth Leol (Cymru) 2009.

Yn yr achos hwn, mae'r Cyngor yn defnyddio eich gwybodaeth bersonol am fod ganddo ddyletswydd neu hawl gyfreithiol dan un neu fwy o'r canlynol: Deddf Tai 2014, Deddf Tai 1996, Deddf Lloches a Mewnfudo 1996, Deddf Tai 1985, Deddf Ymddygiad Gwrthgymdeithasol, Trosedd a Phlisma 2014, Deddf Ymddygiad Gwrthgymdeithasol 2003, Rheoliadau Diogelwch Nwy (Gosod a Defnyddio) 1998, Gorchymyn Ad-drefnu Rheoleiddiol (Diogelwch Tân) 2005, Deddf Llesiant Gwasanaethau Cymdeithasol (2014), Deddf Cynllunio Gwlad a Thref, Deddf Waliau Cydrannol 1996, Deddf Llesiant Cenedlaethau'r Dyfodol, Deddf Llywodraeth Leol.

Gellir rhannu gwybodaeth bersonol hefyd gyda'r sefydliad(au) canlynol pan mae'n briodol ac yn angenrheidiol i wneud hynny: Llywodraeth Cymru, Gwasanaethau eraill Cyngor Sir Ynys Môn, darparwyr cymorth Cefnogi Pobl, Gwasanaeth Tân, Heddlu Gogledd Cymru, Adran Gwaith a Phensiynau, Asiantaethau Gorfodaeth, Gwasanaeth Prawf/Gwasanaeth Adsefydlu Cymunedol, y Gwasanaeth Carchardai, Awdurdodau Lleol, landlordiaid cymdeithasol cofrestredig eraill, landlordiaid preifat ac asiantaethau gosod eiddo sydd wedi eu cofrestru â Rhentu Doeth Cymru, Tai Teg, darparwr llinell ofal Galw Gofal, cyrff monitro technegol – Gas Safe, NICEIC a chontractwyr sy'n gweithio i'r Gwasanaethau Tai, Civica Housing, Castleton Technology PLC, Orchard Information Systems Limited, cynghorwyr ac ymgyngorwyr proffesiynol, asiantaethau. Bydd eich gwybodaeth bersonol yn cael ei ddefnyddio gan drydydd partion er mwyn diogelu arian cyhoeddus ac i sicrhau bod y wybodaeth yn gywir.

Ni fydd y wybodaeth ond yn cael ei defnyddio i'r pwrpas y bwriadwyd hi ar ei gyfer.

O bryd i'w gilydd, efallai y byddwn yn defnyddio'r wybodaeth gyswllt a roddwch i'ch tecstio, ffonio, e-bostio, gyrru neges, neu ysgrifennu atoch mewn perthynas â'ch cais tenantiaeth neu wasanaeth.

Bydd y wybodaeth a roddwch yn cael ei chadw am cyhyd ag sy'n ofynnol neu'n angenrheidiol, a chaiff ei dinistrio'n ddiogel. Mae'r cyfnodau cadw wedi eu nodi yn rhestr y Cyngor o gyfnodau cadw, a gelwir hon yr atodlen gadw. Os ydych yn dymuno gweld copi o'n Hatodlen Gadw, cysylltwch os gwelwch yn dda gyda'r Swyddog Diogelu Data yn SDD@ynysmon.gov.uk

Mae gennych chi hawliau cyfreithiol, ac mae'n bwysig eich bod yn gwybod beth ydynt.

Mae gennych yr hawl i gael cadarnhad fod gwybodaeth amdanoch chi yn cael ei defnyddio. Bydd y Cyngor yn darparu cadarnhad os gofynnwch amdano.

Mae gennych yr hawl i gael copi o'ch data personol. Darperir copïau o'ch data personol i chi o fewn y cyfnod statudol o un mis (neu, os yw darparu eich data personol yn fater cymhleth, fe wneir hyn cyn gynted ag sy'n rhesymol o fewn 3 mis). Darperir eich data personol yn rhad ac am ddim i chi, fodd bynnag, os tybir fod eich cais yn *amlwg yn ddi-sail* neu'n *ormodol*, codir ffi rhesymol arnoch. Cewch ofyn i gael eich data personol trwy gysylltu â Swyddog Diogelu Data y Cyngor.

Mae gennych yr hawl i ofyn am gael cywiro gwybodaeth amdanoch chi. Gelwir hyn yr hawl am gywiriad. Mae gennych yr hawl i ofyn am i'ch data personol gael ei gywiro os yw'n anghywir neu'n anghyflawn. Fe wneir hyn o fewn 1 mis, neu os yw eich cais yn fwy cymhleth, o fewn 3 mis.

Yr hawl i gael dileu data personol. Mae gennych yr hawl i ofyn am i ddata personol gael ei ddileu mewn amgylchiadau penodol:

- Pan nad yw'r data personol bellach yn angenrheidiol mewn perthynas â'r diben o'i gasglu/prosesu yn wreiddiol;
- Pan ydych yn gwrthwynebu'r prosesu gan y Cyngor ac nad oes unrhyw fudd cyfreithlon sy'n drech na hynny o barhau â'r prosesu;
- Os cafodd y data personol ei brosesu'n anghyfreithlon;
- Pan fo rhaid dileu'r data personol er mwyn cydymffurfio â rhwymedigaeth gyfreithiol; neu
- Pan fo'r data personol yn cael ei brosesu mewn perthynas â chynnig *gwasanaethau cymdeithas wybodaeth* i blant, er enghraifft "app" a ddatblygir yn benodol i blant.

Yr hawl i gyfyngu ar brosesu. Pan honnir fod data yn *anghywir* neu bod yr *hawl i ddileu* wedi cael ei weithredu, gallwch ofyn i'r Cyngor gyfyngu prosesu hyd nes bod gwiriadau dilysu wedi cael eu cwblhau.

Yr hawl i symudedd data. Dan rai amgylchiadau, mae gennych yr hawl i gael at eich data personol a'i ddefnyddio ar gyfer amgylchiadau gwahanol. Dylech gysylltu gyda Swyddog Diogelu Data'r Cyngor os ydych chi'n meddwl fod yr hawl hon yn berthnasol i chi.

Yr hawl i wrthwynebu. Yn ogystal â'r hawl i wrthwynebu bod eich gwybodaeth yn cael ei defnyddio at farchnata uniongyrchol, mae gennych yr hawl i wrthwynebu prosesu sy'n seiliedig ar berfformio tasg er budd cyhoeddus/defnyddio awdurdod swyddogol (yn cynnwys proffilio), a phrosesu at ddibenion ymchwil gwyddonol/hanesyddol ac ystadegau.

Yr hawl i dynnu eich caniatâd yn ôl ar unrhyw adeg. Mae hyn yn golygu, os yw eich Cyngor yn defnyddio eich caniatâd i brosesu eich data personol, gallwch ei dynnu'n ôl. Nid yw hyn yn newid cyfreithlondeb y prosesu sy'n digwydd cyn i chi dynnu eich caniatâd yn ôl.

Hawliau mewn perthynas â gwneud penderfyniadau awtomataidd. Mae gennych yr hawl i beidio bod yn destun penderfyniadau sy'n seiliedig yn llwyr ar brosesu awtomataidd, yn cynnwys proffilio, sy'n cynhyrchu effeithiau cyfreithiol arnoch chi neu'n effeithio arnoch mewn modd sylweddol.

Sut i gysylltu â ni

Cysylltwch os gwelwch yn dda gyda'n Swyddog Diogelu Data drwy e-bost, post neu ffôn os oes gennych unrhyw ymholiadau am y polisi preifatrwydd hwn neu'r wybodaeth yr ydym yn ei chadw amdanoch chi. Gellir cysylltu gyda Swyddog Diogelu Data (SDD) y Cyngor drwy e-bost: DPO@anglesey.gov.uk neu SDD@ynysmon.gov.uk. Rydym yn gobeithio y gall ein SDD ateb unrhyw ymholiad neu ddatrys unrhyw bryder a fydd gennych am y modd yr ydym yn defnyddio eich gwybodaeth personol. Mae'r Rheoliad Diogelu Data Cyffredinol hefyd yn rhoi i chi'r hawl i gyflwyno cwyn i awdurdod goruchwyliol yn y man yr ydych yn gweithio, yn byw fel arfer neu ble y digwyddodd unrhyw achos o dorri'r cyfreithiau diogelu data. Yr awdurdod goruchwyliol yn y DU yw'r Comisiynydd Gwybodaeth a gellir cysylltu <https://ico.org.uk/concerns>

Swyddfa'r Comisiynydd Gwybodaeth,
Wycliffe House
Water Lane
Wilmslow
Sir Gaer SK9 5AF
E-bost: casework@ico.gsi.gov.uk
Rhif Ffôn: 0303 123 1113.

Diweddarwyd f3 22.10.18